

Eric Zaandam di SPA a declara:

Bisa via radio awor cu Gobierno a rechaza e pakete social pa e trahadornan chikito

ORANJESTAD (AAN): Presidente di Sindicato di Polisnan, SPA, a indica cu e situacion a keda status quo atrobe.

El a muestra cu Sindicatonan a kere cu internamente Gobierno lo bin cu un comision pa asina presenta e pakete social cu a worde presenta door di Sindicato den e ultimo proposicion, riba Diaranzon a resulta cu e mesun suma cu Gobierno a pone di 13 miyon, a keda atrobe mescos.


Segun SPA, a worde informa na e Ministro claramente cu ta parce cu ningun momento e titular di Finanzas a trata na yega cerca na posicion di Sindicato.

A propaga na radio cu e grandinan lo haya mas placa cu e chikitonan. Basa riba esey, Sindicatonan a presenta Diaranzon mainta cu un pakete social cu ta indica cu cada Ambtenaar lo haya mesun suma. Pero esaki a worde rechaza.

Pues, e dianan venidero, no por bisa na radio cu e "grandi ta haya mas placa cu chikito", pasobra Gobierno mes a nenga e pakete social pa e trahadornan chikito.

E plan ta encera cu tur ambtenaar (sin importa rango) lo cobra 95 Florin extra pa luna.

Ministro a nenga esey, pasobra nan ta calcula cu e suma ey ta monta na 5 miyon y pico extra, cu ta placa cu



nan no tin.

Awor cu Sindicato a bringa pa e chikito tambe haya un suma favorable pa e por compensa su costo di bida... tambe ta worde rechaza pa Gobierno.

CASO SUMARIO DEN CORTE

E trancamento formal di reunion entre Sindicato y Gobierno, lo bay sali e trahadornan di Husticia malo den e Caso Sumario di Corte?

Presidente di SPA a bisa cu esey ta negativo. El a muestra cu Huez a bisa pa e

partidonan bay negocia prome cu e duna sentencia. Pero awor a resulta cu Ministro a laga sa cu e no ta "negociando", sino e ta "deliberando". Awor tin di bay back Corte, pa asina bisa Huez cu Gobierno mes no kier negocia.

CARTA DI 1e ADVISEUR

Que hubo di e cartanan di Ministro manda pa tur Hefe di Departamento, pa exige di haya sa kende a participa of no na e Manifestacion? Presidente di SPA a bisa cu el a informa Halto Mando, cu nan no mester contesta e carta ey. Pasobra ta e le Adviseur a manda pidi number y rango pa e haya.

Pero e 'e Adviseur no por pidi number ni rango, nan no conoce cu e persona ey por pidi number y rango. Si el a redacta e carta robez, e lo mester mande di nobo. Abao e no a ni pone cu e ta haci esey na number di Ministro.

Mientras tanto, Polisnan a bisa cu nan no ta laga e tipo di carta ey intimida nan. Nan ta luchando pa un causa cu ta

Indexering. Si acaso nan no manifesta, nan lo a keda cu 0 Florin extra riba nan salario.

Caso contra personan cu a horta bao di Strandpolitie den Corte Diabierna

ORANJESTAD (AAN): — Corte lo trata mañan Diabierna e caso penal contra e personanan cu a horta e boto di Polis y varios otro articulo cu ta pertenece na Strandpolitie.

Den e caso misterioso aki ta involvi e hombernan I.J.P., A.S.K.P.P., F.F.F.O. y R.J.R., entre nan un agente

policial.

F.F.O. ta wordo alavez acusa di posesion di un arma di candela y patronchi.


E caso lo bin dilanti Pro Forma, loke ta nifica cu e lo no wordo trata en detaye y cu Corte lo stipula un otro fecha pa e sospechosonan bolbe presenta.

PALO DI BANDERA Afl. 112,=

Bandera Aru. y Hol..	Afl. 49,=
Oranje Wimpel	Afl. 39,=
Instalacion	Afl. 49,=

Tel: 965-9526, jama AWE.

CAKIÑA CRIOLLO!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



DVD

Home Theater

Afl. 225,=